



## SAKSPAPIR

| Saksnr  | Utval                               | Type | Dato       |
|---------|-------------------------------------|------|------------|
| 61/2021 | Formannskap/plan- og økonomiutvalet | PS   | 01.06.2021 |

| Sakshandsamar   | Arkiv          | ArkivsakID |
|-----------------|----------------|------------|
| Tore Henrik Øye | FA-U63, FA-U60 | 21/670     |

### PLASSERING AV MATVOGN PÅ KOMMUNAL GRUNN FOR SAL AV MAT SOM "TAKE AWAY"

#### Kommunedirektøren sitt framlegg til vedtak:

Formannskapet i Vaksdal kommune opnar for plassering av matvogn på kommunal grunn for sal av mat som «take-away», med Dalegarden og Dale sentrum som mogelege lokalitetar, blant andre.

Føresetnaden er at forholda lokalt er eigna. Det vert sett følgjande vilkår for ei mogeleg plassering:

- Det skal vere skriftleg avtale mellom partane.
- Plasseringa må vere i tråd med arealføremålet og eventuelle føresegrer i kommuneplanen.
- Plasseringa skal ikkje gjelde for meir enn eitt år om gongen.
- Spørsmål om plassering av matvogn skal vurderast/handsamast etter plan- og bygningslova og eventuelt anna relevant regelverk (søknadsplikt).

#### Formannskap/plan- og økonomiutvalet - Sak 61/2021

##### **FPØ - Behandling:**

Formannskapet drøfta saka.

Kommunedirektør Atle Fasteland svarte på spørsmål.

Kommunedirektøren sitt framlegg til vedtak vart samrøystes vedteke.

##### **FPØ - Tilråding/Vedtak:**

Formannskapet i Vaksdal kommune opnar for plassering av matvogn på kommunal grunn for sal av mat som «take-away», med Dalegarden og Dale sentrum som mogelege lokalitetar, blant andre.

Føresetnaden er at forholda lokalt er eigna. Det vert sett følgjande vilkår for ei mogeleg plassering:

- Det skal vere skriftleg avtale mellom partane.
- Plasseringa må vere i tråd med arealføremålet og eventuelle føresegnar i kommuneplanen.
- Plasseringa skal ikkje gjelde for meir enn eitt år om gongen.
- Spørsmål om plassering av matvogn skal vurderast/handsamast etter plan- og bygningslova og eventuelt anna relevant regelverk (søknadsplikt).

## **Saksopplysningar**

### **Samandrag/konklusjon (kort om saka):**

Administrasjonen i kommunen har fått førespurnad om høvet for å plassere matvogn på kommunal grunn for sal av mat som «take away». Dalegarden og Dale sentrum er nemnde som ønskjelege lokalitetar.

Kommunedirektøren ser positiv på ei slik etablering. I dette høve vert spørsmålet retta til politikarane, for ei overordna avklaring om det er ønskjeleg å nytte kommunen sin grunn til føremålet. Dette som grunnlag for kommunal sakshandsaming.

Oppstilling av matvogn og anna liknande, mellombels bygning/konstruksjon, krev høgst truleg løyve etter plan- og bygningslova (søknadsplikt). Det vil difor vere trong for å gjere ei vurdering frå sak til sak, der viktige forhold og omsyn vert vurdert, sjå under «vurderingar og konsekvensar».

### **Bakgrunn for saka:**

Vaksdal kommune har motteke førespurnad frå lokal næringsaktør om å nytte kommunal grunn til plassering av transportabel matvogn for sal av mat som «take away». I dette høve er Dalegarden og Dale sentrum nemnde som ønskjelege stader, eller andre lokalitetar med lett tilgjenge og nærleik til marknaden.

Staden på Dalgarden som det er ønskje om, ligg mellom Dale Outlet & cafe og AO-senteret, sjå kart:



Planen er å starte opp så snart som mogeleg. Opningstidene kan variere mellom vekedagar og helgedagar. Intensjonen er å servere mat som «take away», utan tilrettelegging for servering på staden.

### Formelt grunnlag

- Kommunen som grunneigar.
- Plan- og bygningslova.
- Vert vurdert i eigen sak etter politisk handsaming om plassering).
- Serveringslova (vert vurdert i eigen sak).

### Vurdering og konsekvensar

Kommunedirektøren ser positivt på planlagd næringsetablering og plassering av matvogn på kommunal grunn. I dette høvet kan dei stadene som er føreslegne, med fleire, vere aktuelle. Det vil vere viktig å sjå plassering opp mot praktiske forhold på staden og mogelege konsekvensar for omgjevnadane (sanitær, trafikk- og tryggleiksforhold, kultur- og naturmiljø med meir).

Sidan tiltaket høgst truleg krev handsaming etter plan- og bygningslova, vil dei nemnde forholda ovanfor, bli vurdert i samband med ein framtidig søknad. **Kommunedirektøren ønskjer difor først og fremst ei avklaring frå politikarane om det er ønskeleg å opne for denne typen verksemd på kommunal grunn, inkludert dei nemnde stadene. Dette som grunnlag for vidare sakshandsaming.**

I alle høve vil det vere naturleg å avgrense perioden for plassering av matvogn på kommunal grunn. Kommunedirektøren går difor inn for å setje denne avgrensinga til eitt år om gongen, som grunnlag for ny vurdering. Samstundes kan ulike forhold knytt til eksisterande næringsverksemd i aktuelle

område, vere eit relevant vurderingspunkt for politikarane.